

秋澗先生大全文集

九

化園書館
Hakuhwa Library

開化圖書館

Kaishwa Library

開化圖書館

Kaishua library

開化圖書館

Kaichua library

秋澗先生大全文集卷第三十一

七言絕句

早梅香信臘前開

籍約君同往 肯前來

松風亭下一樽開 終日裴徊醉竹臺 露帶

晚夜深猶傍枕邊來

花開花謝催人老 花本無心人自哀 折得一枝

手且分春色入城來

梅花風韻不凡才 冰雪方凝始見開 任使和

實等閑斤斧不為災

夢酒張鍊師

道人尸解栢陽臺三尺瑤鑿卧綠苔昨夜月窓清
底分明露醉謝文來

題劉總管宅御愛峰

太湖清潤岱宗雄金宅宣和第一峰絕似水晶宮
看一堆寒碧玉玲瓏

詠梅

銅切塗黃點酪酥細薰波女律發溫鑑老夫鼻觀多知
見不用燈前問玉奴

一脈陽和擅獨根蒲枝金蕾鎖春溫惜花人老情緣
在翦斷春風倩女魂

尚愛梅君似細君題詩重過去年門經年不見春風
面為恐啼痕似臘痕

鼓嶺青林欲盡頭半崖潭作白煙浮應知昨夜山中
雨石上寒泉散漫流

荔枝樓在按察司

潭潭大府號澄清一道網維控八城舊說憲僚憐夜
宴荔枝樓上月三更

題米元暉楚江清曉圖

元暉筆力儘清雄兩岸青山似越中六鑿近年攘欲
盡蒼煙無復曉冥濛

江邊墟落靜荒煙林鴉依然井曰全若比石壕更瀟
洒入山多避過都錢

禽語自感

鷓鴣明呼行不得杜鵑切祝不如歸長憐二鳥知幾

早苦戀明時日自鞿

小樓晚眺

遠客逢秋苦憶家小樓登眺日初斜忽驚海上風來
迅吹亂鄰牆一架花

白沙漢書名

歸舟漾漾度林菲兩岸芙蓉間木犀窠是遠遊堪記
處一篙秋水白沙西
天涯久客得還家喜動秋風八月槎絕似武陵回棹
處後山都被亂雲遮

岸宿閩清縣門

清江一曲抱城根此夜孤舟宿縣門已是客心幽迥
處更堪踈雨濕黃昏

小着

水師橫棹卧舡頭三日風蓬喜順流縱使不携西子
去烟鬟都是苧蘿秋

醞劉憲使仲脩嚴韻

舟次建寧書史孔元敬自浙東改任福唐
得憲使仲脩詩因繼高韻為荅孔字中卿
係襲封元措行也

來從海徼全閩地閱盡烟江疊嶂山越橐不憂無重
致班超今喜得生還
安嶺北遮千里目全閩東掩萬重山江花江草爭含
笑一事無成謾往還

夢筆山

異稟中來氣自豪先生藻思湧秋濤斯文本逐年衰
壯取與何嘗有彩毫

題北苑亭柱

羈懷牢落獨登臺幾被時人笑不材只有青山取憐
客翠嶂如畫四圍開

贈相者雪庭東谷二絕

道人宛有雪山清顧我眉毫近九齡最喜一生心事
好又看黃色起天庭

雪裏踈梅儘耐寒功名都在晚年看煩君與卜趣裝
日早晚孤舟發建安

全氏小樓與南山相對殆几案間物也暇
日觴予其上索賦鄙作因口占二絕句

閭闔撲地不容閑
疊起重糊翠靄間
樓下市聲喧午
枕藥爐頭上看青山
東籬遙見喜悠然
况在風烟咫尺間
滿勸銀盃留客
醉夕陽佳處鳥飛還
南山秋色兩爭高
終日相看不待招
一炷龍涎滿樽
酒安排詩思苦相撩

過朱家府并序

至元廿七年冬孟過朱家府謁

太師遺祠瞻拜禮像懷德不已敬留四詩
付林彬二孫庶幾鑽仰意云晚進小子汲
郡王惲欵衽百拜書

世仰遺祠愛及鳥
不緣喬木綠陰餘
題為通德猶層

淺云是文奎所次墟

濂洛尋源到聖功
八方吹偃舞雩風
一祿得近東家
住瓢飲肱眠樂在中

金聲遺響已千年
聖道重光自子傳
不為武夷山水

窟拏舟還艤杏壇邊

神而能化自人存
堯是疑疏以道尊
德澤未應移五
世青衫長見讀書孫

張家灘在建陽縣南五里

張家灘下石縱橫
舟楫經過與水爭
行路險巖皆一
例溪聲何苦不平鳴

武夷溪口謝諸生來迂

諸生濟濟半深衣
鞭馬來迎候武夷
把酒向前爭致

語精神全在去年時

望武夷諸山

武夷山水儘清竒石作龜麟玉作溪望入神清野一
到壁間空擬老歐題

崇安道中

十月山間不覺秋青林依舊鎖深幽西風老却黃雲
稻野水溝溝澗澗流

贈石堂和尚

梅花樹下石堂僧楚語咻咻碧眼稜威說補陀神力
大碧丹療疾石能徵

道人來自武夷山袖有千金起廢卅專意濟人無所
取一年強半在崇安

過大安嶺

愛山不厭入冥搜，薄霧空濛為少收。
意似范寬誇老筆，亂峰明處露礬頭。

大安形勢鬱崢嶸，閩海東蟠未了青。
往返兩回煙雨

暗不容詩筆寫真形。

前有群狐後有豺，老懷悽斷嶺猿哀。
此行可卜新年

順無是無非，下嶺來

萬里生還豈偶然，一聲長嘯下蒼巔。
開頭若要留詩

去記我今冬下嶺年

下嶺人言出厄年，一杯漚被瘴江煙。
紫溪嶺下重回

首已勝班生到酒泉

過稼軒先生墓

在鉛山州南十五里陽原山中廿七年自福唐作

青銅三百了時文大節知公在致君朝野不應傳樂
語六宮春動鬱金裙

相秦審勢不明理坐使炎興失遠圖力主備邊信大
義先生真是孔明徒

遺編三復美芹辭睿眷曾蒙孝廟知黃壤不理忠義
氣至今煙草見蟠螭

老徽北狩七陵空奉命南來見匪躬誰遣廟謀空坐
老一祿精舍帶潮東

招提遺像見英材喬木秋風過客哀通曆縱令追削
盡疊山文是漢雲臺

次鉛山示州尹杜君

西連兩廣天荒處東接三山海盡頭喜見寬平風土

美鉛山今合作中州

余去冬過此今歲復由此北歸觀其田里城居比之前日精彩數倍詢之蓋侯杜新政之所致也喜為留詩而去

題寒碧井

在鉛山州東五里

寒泉湛碧石為崑鯨口長噴色更藍六月行人方困
喝一杯冰雪蜜同甘

沙溪道中

馬知驛近趨行迅詩為山竒捉句難行過沙溪都忘
却際空原野喜平寬

喜得臺報

弓刀霜冷五更初破睡無方有疾驅不為殘年誇老

健暫教粧點早行圖

欲進行難愧素飡當機坐視更何安從今漸覓身心
適秋水鳴蛙不屬官
下山風袖任披披來路回看翠微貪戀紫溪山路
峻不知寒霧濕征衣

玉溪登舟

捨鞍乘木玉溪煙坐聽吳歌踏兩舷東抵餘杭西自
信一千里路月明舡

食棋

黃棋香熟夜來霜比似休官味更長道出三衢冬十
月石塘林圃記初嘗

夜發嚴州

亭亭白塔過嚴州漫漫清江不盡流慚愧釣臺臺上
月分光也照遠迴舟

桐江待發

舵師說伴小兒童一甕平明意莫忽待發桐廬遲是
速舟隨潮退疾如風

夜過七里灘

都俞無幾已還山自笑瞞跚老一官為恐石壇松鶴
笑夜深舟過子陵灘

錢塘道中

長路人家不斷頭富陽東下接杭州如今不似勾吳
日猶自歌聲沸酒樓

余自閩中北還舟行過常秀間卧聽櫂歌

殊有愜余心者每一句發端以聲和之者
三扣其辭語敷淺而鄙俚曾不若和聲之
騷亮也因變而作十二闋且道其傳送艱
苦之狀亦劉連州竹枝之意云

露華冷 浥蒼山 碧江水平 鋪素練 光半夜 棹歌相應
起發揮無用 詫鳴榔

今秋湖濶兩相通 差遣雖頻力易攻 度險却防連夜
發洩流還怕打頭風

兩浙人稠不易安 少罹凶慄即流遷 今年苦惱蘇常
地易子營生不計錢

睡思朦朧苦未休 棹歌催發五更頭 兩盃悶飯無塩
菜兩雨風風一葉舟

朝來回棹喜空船坐唱吳歌踏兩舷
淘米墩頭風浪起最防吹入太湖烟

中產攢來六七家終年執役在浮槎
今年水滄田苗盡少米爭前乞使華

水色山光不易吟却教款乃發幽深
春陵不作吳兒事道是雲山韶濩音

吳江灘石苦經過音節聽來噪未和
不似吳儂音韻美遺聲全是竹枝歌

夢驚蓬底卧秋江一句總終和者
實任使再歌聽未已不知寒日上船窓

幹當江南有許多往還冠蓋侶擯
梭因茲力役無暮歎乃翻成懊惱歌

路長江闊霧烟埋盡日長征帶夜開記得往年
日被差冠蓋有時來
迢迢江上乱峯青路轉山回遠作程來使共稱星火
急不容停待晚潮生

水仙萱草二詠并序

予行次赤岸兩浙憲司屬吏侯仲卿挈舟
自杭追余四十餘里及之拱立水次致紫
山之意仍索賦水仙萱草二詩詢渠別有
何故曰無有予笑曰澹癖好名有如是者
遂書二絕以付時至元二十七年冬十月
二十二日也

片帆歸自海東頭何限烟江疊嶂愁展放畫圖還一

笑世間名品果忘憂

綠萱不得獨忘憂江草江離揔帶愁若使花神真解

事一枝金鳳也垂頭

雪作肌膚翠作裙凌波微步襪生塵筆端欲見錢郎

意重為陳王賦洛神

望歌風臺

西風殘照舊山河故國遺臺憶獨過四百威靈歸寂

寞斷碑猶記大風歌

漢家豐沛有周郅四百炎輝自此開舉目不瞻龍虎

氣寒鷗翻日上荒臺

奉春一說即西行百二江山敞帝京不似楚人無遠

略錦衣東帝詫韓生

石勒問道圖

位號真來變故多溥天無地不干戈養成豺豕蕭牆禍更向伊蒲問甚麼

題范亞父增墓在徐州城南臺頭寺下大塚

劍舞鴻門失此機重瞳成敗可前知猜嫌只待捐金後決意東歸去已遲

單父琴臺

武侯治蜀毋輕赦宓子彈琴不下堂風俗變移難復古後人為政貴論量

讀佛圖澄傳

慧眼前窺事有徵最慈祥是戒淫刑阿師更欲矜神異塔上風鈴要細聽

雪漲千山圖

六合雲同雪自寬
千山都變玉屏顏
限量不作年來
雨多如淋淫儉如慳

月廿日河南雨三尺
河北全無

喜周宰來居

友道年來棄若泥
白頭傾蓋似新知
短轅塵尾閑渠
甚誚殺當年蔡克兒

筋力覺衰防酒困
生涯從澹願詩工
尚憐繆誤今何
幸長在周郎碩盼中

吾友西歸喜可知
殘年心事得追隨
朝來僦舍清談
又憶得西齊共被時

諸子當年甫冠昏
執經同在鹿庵門
相逢正有謀生
急裂月撐霆不要論

發雪初霏踏雪携壺扣夜扉長記孔門多

披風袖詠而歸

泉水思歸有故交共山無地可誅茅羨佗憒舍同來
燕終日啣泥補舊巢

周兄所至號能官既幹而清事更難昨日借車還故
里囊空留得一錢看

一別淇南又十春此回相見更情親河山不隔黃壚
斷屈指同游有幾人

翻雲覆雨到澆漓長愛吾周重所持四十五年同一
日物情心事兩相知

人生七十一衰翁比老能閑樂事融着手不遮西去

日閉門同卧北牕風

山陽高興在筠林痛飲狂歌摠賞音四十五年雖轉
首白頭同賦故山吟
柱頭化鶴千年事松下懷人一聚塵撥置老懷休悵
恍且來同醉酒壚春
終沾公祿能餬口縱得居官柰老何暫借翹生供日
事何嫌酤釀近林婆

過郝教授子貞故居三首

雲際曾瞻處士星竹間無復草堂靈喚回三十年前
夢壓酒槽邊寫六經

一言拋却羽人冠長喜先生不遠還故隱只今誰作
主詩瓢空掛百門山

平生詩卷幾牛腰身後遺文便寂寥事業文章元有

分自餘辛苦枉相撩

回河

常年動磴踰三月孟夏中旬見稻芽今歲使君先玉
食清明分水與農家

題胡笳十八拍圖

漢世婦人傳家業善文辭者前曰班氏後
稱文姬琰不幸遭亂失身悲憤知耻至發
而爲辭章者而已如是在東漢文章清而
不俚者也其音調悽楚緣琴翻聲律協笳
拍而於音學曲盡窈眇可謂不墜中郎之
業矣今觀是圖其情義相牽不克自制之
懷猶可想見於當時也此辭即唐劉商所

作以七言較之益無疑矣因題五詩于後

騷人擬之之意云

畫却春山理素琴翠簾香鎖落花深豈知中有胡笳
恨吹折関山一寸心

胡笳翻曲太含情不道倉皇義重生舊怨未平新恨
疊鴈聲繞罷又邊聲

軋翻坤覆困蛇龍女子柔衷鮮克終全着靡佗論蔡
琰不知何地置楊雄

憔悴風沙十二年得歸情義轉相牽董郎庭户虫啓
舊已足蘭摧白露前

才慧其如薄命何猶能知耻見悲歌寥寥誰
後得續離騷幸儘多

跋徽宗畫兔

格物心存養聖功老徽游藝眩青紅
四靈瑞世渠何者也在君王物色中

牧牛圖

垂紉徐行信自如一揮鞭策見齊驅
近來不似圖中看旱塊敲蹄百草枯

青青春草滿郊原放飽歸時不用牽
何似人牛俱不見碧天明月靜娟娟

綠楊堤岸曉風清碧草陂塘暮雨晴
村落近年乾旱損却將圖畫看升平

兩童相顧意何爲猶恐渠飢趁草歸
一道牧民無所事知心專在當家肥

飽耕飢放事年年放去收來任自然莫訝兩童無所
識至今牛背是堯天

跋徽宗畫馬圖

為愛瑤池噴玉龍麝烟移入畫圖中宣和殿上揚休
處忘却熙河汗馬功

問雨 六月五日雨三寸

前日西村雨有餘東村曾不少露濡望中雲氣西南
重為問村東果有無

從來暑雨多隔轍且喜一槩蘇焦枯敲蹄旱塊如盆
火為問秋田勾得無

近日甘霖遍四周
隆都在郡城

火無光澹

跋武陵圖

明高興託冥鴻流水桃花事本空
好笑武陵狂太守謾回烟棹月明中

題數學鄭斗南詩卷

洛圖河數發天機萬彙中來理莫違
却有一言煩說作貴人何廣福人稀

數學規模自易齋不煩衰薄究予懷
朝家謀斷須房杜早晚相携上太階

巢父飲牛圖

巢由真隱本同儔細論吾巢節更優
老特渴來何所擇徑須牽避是非流

靈照度丹霞圖

衆生種業到無該愛海沉迷喚不迴對證處方唯一
捨不應真假比如來

西江萬有已沉沙更有何心到散花很侶入門三十
棒款將一語了丹霞

性定情移逐物開力能剛制見英才金沙灘畔風流
骨恐是逢場作戲來

克己先論定力優後從屋漏驗清修禪家多少閑拈
弄糞埽堆頭覓悟頭

和考正憲使寄周宰詩韻且酬前日見贈
之什

紛紛黨議到無如常愛林宗智有餘金谷聚蚊潘在
數一生空枉賦閑居

自憐處事太遲回，幾被傍人笑懦哉。
勘破南華山木喻，支離甘作散樗材。

山陽水竹接雲莊，真是閑人避世鄉。
殺馬毀車渠莫訝，風波平地更羊腸。
殺馬毀車東漢馬良事。

故舊追歡不厭頻，甚時王翰作比鄰。
相看比老都能幾，猶作離羣索處人。

時尚心違儘倒顛，且將書史度殘年。
樂天仁厚知幾遠，好箇香山獨往篇。

佳人倚竹圖

失路青雲恨未深，更堪空谷日幽沉。
天寒翠袖相依處，却是琴中對竹心。

和幹臣詩韻六首

清江百折萬重山倦鳥翩翩不易還
有客又來詢動靜不知馮道已癡頑

一雨焦黃荔子丹去年今日宴東山
山僧勸酒賓僚唱醉裏有昇月下還

樓閣三山景氣鮮萬家簾映荔枝妍
紅雲酒美香粳滑只枉風烟是海邊

泉石鷗盟尚可尋老懷其柰世緣深
將詩細嚼要子和有酒深藏待子斟

吾儕從事思行道尺未容伸已枉尋
不若將心隨所好物情明見古猶今

人生兩足無不到去歲天涯今故山
古語在家貧亦更怜吾子適東還

復用苦齋韻作五詩以自警

剽竊詞章笑自如
如何曾經旨醉三餘
卑凡自處有如
此誰復如軻以聖居

終日如愚莫哂回
克先復後並生哉
從初一着高空
上即是益成死矣才

學須一念主端莊
漸次通融理義鄉
况是四端生已
具幾曾由外貯肝腸

濂洛諸儒問荅頻
道雖未富亦其鄰
異時醅酢無窮
變不比禪林面壁人

刺口高談謾聖顛
人心能淑變堯年
孔門多少齋心
學見用還存問政篇

四月廿六日西溪睡起

城居喧隘一蛙坑乍到却墟眼倍明
濃睡覺來村塢靜綠揚深處栗留聲

灌園

倚鋤看水立斜陽愛殺春風菜圃香
自笑老饕須肉飽却思竒策出蔬腸

馬嘆

足輕行穩不揚塵種性來從野馬羣
昨日綠楊亭下路郡人爭羨五花文

市來一馬性馴良竹耳雙批禿尾蒼
笑殺養生王武子辨教銅歷葬人腸

擊壤

軒軒旱塊大於盆朴擊都教細作塵
便覺

靜夕陽原隰看昀昀

老子過關圖韓虬筆

論道休將坐井觀逢時爲用見真筌漢家注措絕糟粕嘉靖寰區近百年
柱下潛輝跡已賒青牛苦要渡流沙料應紫氣浮關後夢繞春風巨勝花

贈武昌相士秋雲

羨君兩眼明如鏡萬事都歸一盼中自笑本無食肉相虛名空似豹林种

扣門有客號秋雲偶向微言取近真過眼無窮軒蓋士急流中退果何人

品彙金珠智欲周江南江北去悠悠多應未遇商晶

叟點破長空萬里秋

跋漆園田氏手澤

金源取士自科文臺閣公卿半鳳麟後進且休輕訾
議試從田氏看潛玆

跋顧虎頭所畫謝安東山像

出處當年繫重輕枉將浮議論蒼生異時兩袖東山
雨待尚君王洗甲兵

跋香林先生顛草

涪翁醉草甘露帖勢與江山爭長雄幾世幾年當復
得香林筆底有遺風

嘗愛甘露詩草聖筆勢縱橫破碎陳敵今觀
香林先生遺墨得涪翁步驟為多具眼者當

至元元年

有所思莫道當時無義

問四題

謝太傅安

勝負胷中料已明又從堂上出奇兵怡然一笑文揪
裏未礙東山是矯情

周將軍

江東注伯仁茂弘中伎本辜恩異時候洒中書
空慰將軍石上魂

高司空允

龍顏震電威伯恭持正見臨危挺然不應前星
人臣要不欺

王丞相猛

當年北海螭對談捫虱果何為華陽未入君王
裏風雲只自知

謁玉泉真像五首

幾讀九山碑管葛襟期漢相規思欲執鞭那可
松下獨來時

民五十年後人經濟渺難攀頌知谷日回天

頌間

麒麟事業新

有言

到伊周元不是庸人
丞相祠堂憶重尋幾年西崦栢森森入門再拜夫人
表忘却登山力不任
揔道書生吏事踈米鹽無術應時須請看中統元年
事濟
朝廷半老儒

豫讓邀襄子圖

智氏頭顱到溺旋趙襄謹避墮空然若圖伯也非常
報合有嘉謀在死前
一言感激命為輕九死酬恩不為名千古晉陽橋下
水不應嗚咽恨無成

酬溫仲敬以櫻筍見遺

四月人間櫻筍局喜將二物特相遺故家風味依然

好獨有温郎是素知

春睡起偶書西墅東軒壁

留連春色花陰蝶斷送林歌
雨柳鶯更愛靜中消遣
如春愁滴破聽槽聲

題王明村老黃店壁八絕壬辰歲三月廿

五日葬曲山回作

西山千疊玉稜層踏雪當年過五陵
破帽不知風力
緊夜窻歸趁讀書燈

荒荒野曰店東西路入蘇門草樹低
記得鹿庵傳授
日饅瓜亭上識西溪
今年上廟客紛紛
瞻具黃梁而酒樽
白髮故人渾不見
青衫多是子和孫

曲山靈樞夜來過腸斷春風薤露歌同輦眼中多顯
達一生心事最蹉跎

危嶺南蟠縮尾尻伍城東望俯坑壕蹇馱馱過王明

店陟覺西山百倍高

古槐盤石綠陰垂下馬行人倦午馳每過黃翁閑話

舊停驂長到日西時

中陽川迫屬新中店舍初開映棘叢四十九年統一

瞬黃郎今日老黃翁

筠林同業憶當初幾醉黃翁旧酒壚鄰笛声中何限

恨不堪零落曉星孤

五五今獨子在當時同門者
士四人止有李士觀傳士開

秋日即事

風軒兀坐髮鬢增涼入簷花露氣凝詞客感秋驚歲

暮半生虛負讀書灯

題嘉山段宜之讀書堂圖

山水雖佳以士名誦聲曾動草堂靈至今松桂林中
夢不識無禾養百齡

墨梅偶賦

梅葉天質本紅黃玉潔冰清徹骨香近為世間負墨
客硬隨時世作新粧

秋澗先生大全文集卷第三十一

秋澗先生大全集卷第三十二

七言絕句

詠早梅四首 招曲山同探

早梅香信臘前開
竹外橫斜映野臺
待着一杯相慰
藉約君同往肯前來

松風亭下一樽開
終日裴徊醉竹臺
露帶冷香歸去
晚夜深猶傍枕邊來

花開花謝催人老
花本無心人自哀
折得一枝香在
手且分春色入城來

梅花風韻不凡才
冰雪方凝始見開
任使和羹美無翠
實等閑斤斧不為災

夢酒張鍊師

道人尸解栢陰臺三尺
瑤鶴卧綠苔昨夜月窓清夢
底分明露醉謝文來

題劉總管宅御愛峰

太湖清潤岱宗雄
金字宣和第一峰
絕似水晶宮裏
看一堆寒碧玉玲瓏

詠梅

銅切塗黃點酪酥
細薰婆律發温鑪
若夫鼻觀多知
見不用燈前問玉奴

一脉陽和擅獨根
蒲枝金蕾鎖春温
惜花人老情緣
在翦斷春風倩女魂

尚愛梅君侶
細君題詩重過去
年門經年不見春風
面為恐啼痕似蠟痕

梅花開在百花前苦節貞心只自怜縱使孤根有餘
暖強顏於世為誰妍

為愛梅花徹骨清冷香能幾謾含情春風果有和羹
用未害肝腸似廣平

江路吟看發興長西湖浮重月昏黃冷香本是幽人
供在自疎籬比玉堂

日日雙鉗換水溫為怜幽谷侶佳人夜來紙帳清燈
夢繞遍羅浮樹下春

蠟削肌膚玉作顏淡粧終不入時看苦吟正有西湖
老凍繞枯枝賞歲寒

芳叢百繞問花開夢在仙人萼綠臺為報主人多置
酒臘前冬後約重來

我識西湖處士心 一生梅竹是知音 誰知二百餘年
後 又見諸孫鶴在陰

偶題記叅政飛卿語

睡起東齋日上 愔醉扶頭罷炷爐 香似勝東里金華
相夢繞鐘聲入省堂

曲山見示古雪詩云 盡道豐年瑞 豐年瑞
若何 長安有貧者 為瑞不宜多 曲山反其
意 又和瑞尤多一絕云 人言盡道豐年瑞
其奈無衣貧者何 曷若方春發生際 不愆
時 兩瑞尤多 予細思之 古詩雖如此 侶不
若 少陵無食思樂土 無衣思南州 哀而不
怨也 因繼韻為解嘲云

暑雨祁寒俱致怨

化如何

雪却恐吾儕怨更多

題竹林七賢詩并序

竹林七賢觀今為長春別館昔誠明張真人嘗集諸公題詠欲刊置祠下迨至元辛卯練師刘文甫始遵命以紹宿志求詩於予且誌其刻名本末用題于右凡得詩若干首始於王文康公終之鄙作非敢先後之蓋因其所書之次第焉使後之觀者詠詞懷舊得信高風絕塵之想云秋澗序

漠漠筠林指舊栖幾年於此避危機奇才最惜嵇中散空聽鶯音月下歸

談玄高出萬物表七子風流有典刑三十年間九五
過塵容漸愧草堂靈
竹林高卧世稱賢隱放看來未中權千古婦潛書法
在一迴來讀一條然
作者當年亦七人粗聞名姓孰能親山王首作彈冠
舉却恐筠林是要津

嵇中散

識短材長蓄禍機放懷獨惜養生嵇後人莫坐談玄
罪秋水篇中物物齊
粉飾青黃乃木災當年中散固奇才高風不逐鸞音
去柳下奚爲打鍛來

阮步兵

口腹無嫌乞步兵虱藏棍絮又堪憎浪為廣武山頭
嘆尺鷄胡能況大鵬

王司徒

兩麓收來蔽以身不應顏面愧佳賓燈前手執牙籌
筭枉對河山說隱淪

山吏部

從來吏選苦紛紜過眼群材得所甄若論雅懷閑得
喪山公於晉是能臣

劉參軍

荷鍾隨埋見性真等閑談笑解時嗔竹林七子多沉
酗醉裏乾坤獨可人

向散騎

心醉玄談外此形自知中有未忘情異時未達堯心
對在泥南華與理爭

阮始平

禮法踈來萬事沉娛心鍾律是知音聖門論樂中和
止不佞吾威到樂淫

題范文正公真像

岳記梁碑冠古今當時文筆見忠忱細思後樂先憂
說士子今誰抱此心

題長沙醉草圖

萬有龍蛇落筆端滿堂風雨夜深寒書家寧是通神
處疊指懸鋒不作難

堂堂萬里長沙陣曾與張顏角長雄信道書家同一

提鋒應解入神功

又題謝東山

江東全倚謝家安雅量形容對奕間勝負曾中
了風聲何賴八公山

題家藏顧虎頭畫謝安曳杖圖

一枰初散竹間碁杖屐歸來喜可知欲見虎頭無盡
意捷音讀罷到門時

獅猫

何年變體自條支錦爛修毛見兩形夢裏鼠山京觀
了午欄花影淡離離

和苦齋見寄嚴韻

不才自分賦閑居薄有山田與弊蘆鄭重漢庭楊得

意薦賢心也到相如

兩首詩來以動言微車早晚出山門苦齋刊落紛華

盡獨有忠君一念存

病裏行藏未易言夢中待詔望金門回頭碌碌因

人去自笑張儀舌謾存

題日者壁

三尺神鈴手內提看來萬命幾曾齊百錢餽却談天

口一片風簾日未西

乾坤一氣本中和其柰人情六鑿何帝道已還昏未

劫不須苦泥貴人多

當年卜隱不明誰四相行藏見側微從此閉門終寂

寞老天似厭太知機

星槎遠泛斗牛杓萬里歸來齒髮凋碌碌又教攀附
去不知何有補清朝
鍛煉五行分造化斟量四柱別公卿百錢贏得生涯
了一片風簾任晦明

喜彥祥西還故里

千里西還已五年枝巢雖在不勝寒半生歷試何清
慎依舊春風首藉槃

寄苦齋老友

今年一病到龍鍾遲速前驅有不同健羨苦齋攀附
意秋風雙翮欲摩空

題何練師又玄堂

大道難名說又玄取爲堂扁示蹄筌函閤紫氣經臺

月又見先生一再傳

題眼科杜金山卷

白日青天墮晦冥百年未滿若爲生
金鑿一刮神光爛此藝爭傳杜氏精
心火燔空水下濡外腴中涸已堪吁
双眸眊眊青燈底恐更看書似老奴
自戒

過王化店

王化崗頭四望開
西山吹盡凍雲埋
東風借暖怜衰
老滿馬晴暉曝背
鮎

群鼠盜茄圖

食飽官倉到酪蘇
嗜其不計首深濡
丹青似見公
意紅女園蔬戒併圖

題閑閑種德堂記後

轉折掉躡軒豁頓挫態度不同乃猶人面要能
自成一家為貴予於公書亦然

香色臭味而荔實為美推類至極須以江瑤為
此者豈易牙雋永而當然之理固如是乎

斯文斯翰兩翩翩與試稱量孰可有一贊呂溫真傑
作更開生面到凌烟

倦書圖

書貴凝思在筆前欲揮還止想翩翩畫師若作行雲
了妙與天機兩索然

題洛神賦畫後

凄斷西陵松柏聲將身自試謾為情陳王正自無聊

賴流盼川妃欲目成

屈原卜居圖

用舍行藏聖有餘却從詹尹卜攸居乾坤許大無容
處正在先生見道踈
山林長往眇難攀死不忘君世所難避迨去從詹尹
卜八方歷遍果何安

遂初亭

韋杜城南尺五天眼中朝市有林泉不須苦泥興公
談絲竹何妨解倒懸

厭喧思寂尋常事以隱為高拙宦人出處似君應不
尔西池東閣見經綸

山林長往懷高致富貴逼人將柰何閑向遂初亭上

去一搏高詠採芝歌

宋太祖蹴鞠圖

九六人對蹴者趙普傍者太宗八王一道士與從者

劉向別錄蹴鞠黃帝所作或曰起戰國時蹴鞠兵勢也所以練武士知有才也

榻邊咫尺夢金陵欲下河東勢未能畫史意傳當日
事丹青圖上見軍興
婉戀龍姿五客隨內庭深處共遊嬉筆端欲見無窮
意一點香塵欲起時

太平朝野日歡娛肯効三郎和碧梧治定不應忘武

備花間蹋鞠是堆圖

倦書圖

六朝人愛倦書圖唐閔令喜而臨之
妙在約畧濃淡之間

玉堂昨夜醉厭厭格筆慵書見未快似待指端餘力
散卧看花影轉踈簾

筆陣堂堂到倦書紫蕉歌暖錦氍毹細看三子從容
處當日安知不有吾

二美人圖錢選筆

春醉瓊枝意未諧行雲空瑣望仙臺九重不隔簫聲
斷喚得長空赤鳳來右趙飛燕

壁月瓊枝醉舞裊泠泠蘭舌半詞臣國亡只各傾城

滿臉脂片底春 右張麗華

固陵雪鵠圖

取鑿前王有覆車三韓風雪儘愁予長江飲馬年年
事筆底寒禽辨得無

韓文公重幀圖

熙載南朝亦宰臣後來狂飈欲全身比教乞食歌姬
院坐閱棋枰伴可人名教之中樂有餘只須棊槩可歡娛
翁微貶文昌意正為先生不著書

張麗華手擎白鸚鵡自調

雲間三閣綺成霞閣上僊人萼綠華蘭舌不應詞客
巧自調鸚羽按庭花

西施

西施為物一何尤
吳已荒亡越可憂
一枕勾王春殿
夢抱冰寒苦
變溫柔

孤舟橫笛
王晉卿筆

秋風葉下洞庭波
橫吹歸時逸興多
筆底分明詩外
意武昌南岸老人歌

淵明漉酒圖
趙子昂筆

牀頭釀香奚待壓
脫巾漉飲良愜人
興來酣適無不
可過論總非公所貴

雪舟夜語
刘文甫藏

大定明昌五十年
當時文物蔚中天
雪蓬夜話無多
味党蔡風流墮眼前

跋張真人雙頭蓮手卷

池面出雙蓮花本無心道自如若與主人論遠
香當到愛蓮書

有虞鼓琴

趙霖筆

述匹誰如帝子崇和鳴還與五絃同異時愠解吾民
阜本自君王正始功

送張鵬飛同知兩浙漕事

張侯又見走跋跋雲海相望四十春記取都城相別
處細炊香飯煮金鱗

送司毅夫之任共城

皂蓋東歸五馬榮太行南下是共城春林布穀應饒
舌剩着青衫竹馬迎

司君材調號能官駿足終陪十二閑天意似教優此
任政成坐嘯看青山

中州佳麗百山門太守風流兩漢循細酌百泉亭上
酒正煩留意鑄斯民

題姬義士卷後

掩瘞無歸責已任凱風吹棘遂初心絕交端為西華
發較似劉標義更深

題紀伯新詹判如溪詩意

通人無滯南溪友坎止流行到兩忘羨殺胷中瀟灑
意一橫煙景夢滄浪

源源不絕產蛟鼉若論潛玲一勺多莫惜玉餅沙上
酒醉來閑聽濯纓歌

題麻姑壇記後

麻姑來會蔡經家麟脯珠盤間異花海上仙人多狡
會半盃白粲走丹砂

黃初平牧羊圖

金華春草碧淒迷牧到亡羊事可疑風袖一揮山石
起道人還有此神奇

題泰和名臣碑後

金源肇跡海東隅奄有綿區亦壯圖最是泰和嘉靖
日朝廷網紀盡文儒為當時自宰相至掾吏全用進士云

癸巳歲二月六日自得仁府西歸和李樂

齋詩

行宮朝散馬駢駢喜動都城白板扉鄭重小挑深有

意留花不發待子歸

題姜詩躍鯉圖

全邊泉出躍霍魚感自龐姬孝有餘畫史載容非小
補丹青渾是蔚宗書

清泉故里兩無蹤坡老詩成竹樹風展放畫圖增永
慨丹青於世不無功

後二句取唐張彦遠畫記序畫者掛也以彩色
掛物象也故鼎鐘刻則識魑魅而知神姦旂章
明則昭軌度而備國制以忠以孝及在於雲臺
有烈有勲皆登於麟閣紀傳所以叙其事不能
載其容賦頌有以詠其美不能備其象圖畫之
制所以兼之也陸士衡云丹青之與比雅頌之

述作宣物莫大於言存形莫善於畫此之謂也

清明日南城訪友

客裏清明散滯懷也隨游子出城來東風侶惜春光
爛柳眼雖青細細開

題嚴子陵還山園

據其意而反之笑已
夏曉除間作

富春不起取為賢星彩空輝帝座寒絳便放還江上
去已應慚見釣魚壇

跋徽宗退朝圖

唐虞道統不知傳師事林靈信妄言三十六宮春寂
寞玉清雲上夢朝元

謾說煙空有九霄朝元仙路碧迢迢轉頭風雪韓州
地方悞簪裳是服妖

水車圖

人定真能力勝天一車翻水溉高田漢陰機在終無力長憶郊居值早年

題昔刺公奉使江左圖

紫髯風采照江東馬首双旌及見公三十年來和議裏使華當代不無功

和戰當年楚已空一丘衰草葬南鄒卷中題詠俱名筆褒羨人言是景鍾

孫登長嘯圖

先生可想不可見秋月千山白鹿臺吹作半空鸞鳳去公和真是不凡材

八方雲擾閔兵塵夷再清談到隕身長嘯一聲聊寓

意不妨玄髮散麒麟

不幸遭逢晉魏間先生出處兩為難才長識寡愁中
散只待明言覺膽寒

秋江待渡圖

兩崖鐵峽束蒼蒼江風浪無時一葦航險阻倍嘗無太
穩臨流將渡復回徨

秋江極望圖

乾坤清氣滿詩脾望入霜空思未迷誰看盡工橫截
勁一行秋影鴈飛低

韓生寫真圖後

韓郎落筆凌煙面嘉老摘文造物權名下自來無妄
蒼伯時多為九歌傳

乙未夏重午日偶得一扇絕與吾鄉龍門
谷形勝相似因書一絕於上

太行西北是龍門便面圖看爽客魂千尺綠蘿飛瀑
底浩歌還憶醉靈搏

定美李氏昆季二人係李遊仙之裔同歸
三教支筆為賦

德積繇來慶自餘三英同秀定美家後今沮洳汾西
曲三教堂中看隸筆

大定明昌五十年一時文物說游仙料應書案山前
月更賚秋空皓彩圓

史院即事

聖德神功浩有餘竹書何翅十三車近觀養士

開局而來已六旬倉皇曾不計殘身一朝汗簡
有敢說兼修為之人

宋徽宗石榴圖

安石赤榴自漢來十年西域武皇開寫生若論丹青
妙金馬門前待詔才

顯宗墨竹

筆藝初非羨顯宗承華主鬯兩冲容天教二十年陰
賜護養風雷見籜龍

午窓番盡顯皇書問龍樓孝有餘夢到承華欄檻
底露稍煙葉儘扶疎

題冀州趙節孝侍祖母韓詩卷

眼前諸子芝蘭秀堂上慈親九十儀若取陳情論樂
養趙生心事勝捷為

五福君家有自開閨門全是孝慈來異時旌表瞻榮
觀高似陳思燕處臺

野春亭為劉仲文賦

出仕清朝接俊游閉門閑處更風流君看綠野堂中
客未必心安勝素侯

春滿青林花滿煙風光深鎖市廛間都城何限豪家
樂輸與劉郎未老閑

鶴閑無意上揚州果熟能勝萬戶侯近日治家尤有
法課兒書誦五更頭

韋杜城南尺五天千金不惜買林泉左山信手拈春

出一片浮光鎖翠煙

昔過門得故人示予亭記思清新白頭青竹題詩
客一笑揮毫到野春
沙頭乾盡玉瓶雙杵冷牙籌括錦囊長日閑庭有忙
事青衫時課讀書郎

四皓圖

尺一招來四老翁冥冥高興振孤風少微不是門人
像調護前星最有功
人慾橫流不易攻留侯真是帝師雄笑將二老婦周
意翻作商顏羽翼翁
夜壑藏舟未厭深皎然松雪映高林閑雲終作從龍
雨唯有留侯識此心

蕭然亭

澄淵橫壑東坡語
憲竹驚秋太白辭
解使六塵能此
淨不煩華構與新詩
坡仙信筆張園記
向盡豪家隱仕情
出處兩間無不
可最怜雙入吏商名

遂州張氏出家資
修建學舍僧鎮公來索
詩因題其後

三関控接阨邊塵
四十年來草棘春
不爲兩庠燈火
事孜孜求義到斯人

太白獨酌圖

九重春色醉仙桃
何侶江山照賜袍
千丈氣豪天不
管青山磯上月輪高

李太初元齋時為濮陽主簿

一氣中含萬善根夫何為善即吾仁不煩力剖藩籬
破已覺軒中浩浩春

魏提學授
路膠水令

青莪樂育為求賢十載京華柄學權今日二官滄海
春風千室聽鳴絃

贈相士梅心

長嗟躍冶不祥金忽漫求名竟陸沉萬事不如方寸
好愛渠開口便論心

贈相士秋巖

乾坤清氣滿秋岩碩我行藏試一談早晚得歸林下
去北山重掃讀書龕

跋單檢校言甫所藏江孝卿手書真草二帖徵君諱紱曹南人

我初不識檢校面見此可嘉平昔心光景片時爭屬目獨憐遺翰是知音
有客臨風惜壯圖不從奇耦討榮枯因君憶起江鄉事閑氣銷來一點無

讀韓文外集

子為書有正傳精詳無出穆脩編不應集外生浮誕三簡誣公佞大顛

瑞鶴詩

方平家近鬱蕭臺視履推祥有自開拈出苞山交感說胎仙非止異香來

龍虎堂甲午秋九月廿八日迎謁自懷來四過其下

玉華行殿拂明開北狩南巡此往迴長憶

先皇重遺老玉堂今歲幾人來

長意 先皇恩治切 天樂喜動老臣來

百靈拱護走風雷萬馬雲屯駐漢臺今日鼎成弓劍
遠西風吹淚不勝哀

觀光

弓劍拱重圍蕩蕩高空日月輝

先帝老臣今有幾瞻依恒勅近 天威

秋迎 駕走居庸一道青山返照紅新店到都才

九十坐車乘馬兩籠東

抱關休訝去翩翩霜滿征衣月滿鞍只為

冕旒初未拜至今眠食未能安

紅雲現處拜瑤亭
皂蓋歸時午夜行
半醉喜乘
勸酒居庸關下聽雞聲

耳不刺川在上都西北七百里外董侯承
旨苞從北迴遇於榆林酒間因及今秋大
獮之盛書六絕以紀其事

絡野籠山捲朔陞
盡隨湯祝懾
天威客卿莫詫長
揚賦聽說今秋第一圍

詩詠虞官發五獮

漢家圍合萬車同
料應老上龍庭北
谷靜川空說俊功
千里陰山騎四周
休誇西伯渭濱遊
今年較獵饒常
歲一色天狼四十頭

宣威見此行

君王耀德豈觀兵我詩擬配岐陽鼓要與

周宣作頌聲

今年大獮嶺林秋青兕黃羊以萬籌推吻戍兒欣有
語好雲從此到南樓
今秋天餉住冬糧萬穴空來殺氣蒼渴飲馬酬飢食
肉西風低草看牛羊

隆福行宮

詩裏山河瞻象服女中堯舜宋宣仁從今

隆福宮闈月

聖壽輝煌一萬春

四海坤儀自正家垂簾休獨羨瑤華側聞聖善如
先后在昔

天皇有懿誇

賤名猥被平章奏供奉詞林舊老臣細酌金罍
宣勸出一年三荷

籠光新

題沙門宣公手卷後

海藏龍宮鬱紫煙逢辰僧到赤烏年白毫千丈渠能
致何俟韓書重大顛

秋澗先生大全文集卷第三十二

秋澗先生大全集卷第三十三

七言絕句

野莊圖并序

承旨董公繪野莊為圖求諸賢題詠
中齋草序以同人致亭晦叔撰銘以
儼倫溢美恐未盡公臆之所在若夫
士君子出處固皆有命不可以遲速工
拙為言然當得行道際靜退之心何
嘗食頃而不在懷也以艱於自云必
托物以表其志雖未能掛冠神武歛
裳霄逝較之鍾鳴漏盡不已行者猶
賢乎已喜為賦詩初弗計其不自量

也其辭曰

午橋吟醉平淮後商嶺鴻冥定漢餘正恐野莊歸未
遂九重思治望新書

老筆鍊餘詩律細事機諳久宦情踈輞川圖上王摩
詰靜退為心是本初

寶珠換却杖頭鳩空見秋瓜憶故丘白首相者官舍
底晚年心事轉優游

輓馬圖

馬蹄立論見天機四輓塵沙更適宜恰似解袍隨意
處小齋磴礧退朝時

題錢舜舉畫梨花

香翻玉笛真妃怨雨暗
樂語淒不似錢郎能駐

風庭日醉如泥

西千樹鬧春華莫把芳容帶雨誇看取一枝橫絕
處洗粧還是漢宮娃

題廐馬圖

前年扈從獵長楊偶雜髯駟宿野莊一捧玉華三百
死老人垂淚說
先皇

三笑圖

元聖開天一理融推心不外善爲宗後人剛作無同
論三子相逢笑殺儂

題劉導引卷末

傳家素有延齡錄手澤珍藏鏡李絳吹就棘心親不

在每觀淒斷凱風詩

題朝元宮劉道人秋聲圖

紫極宮深景氣秋
翛翛牕竹發詩愁
謫仙千古風流

句輸與歐公作巧偷

少年心事讀書臺
涼入郊墟已快哉
星漢在空人未

寢一聲猶憶樹頭來

寧戚叩角圖

長夜漫漫志未伸
單衣雖弊霸圖新
匡已在夷吾

佐激烈商歌惜自陳

覺山寺題示

元貞改號夏四月九日為

勅建司徒鞏公墓碑同朝貴來會需

命間客有談盧師當遊者

阻遂折而入覺山精舍觀泉

氣瀟爽不獲留宿為恨山僧泚筆請

留詩于壁偶書此以記來曾借遊者

太一李宗師承旨董野莊大學李內

翰東平賈彥載秋澗老人王惲題

為樹瑤鑄未奠間杖藜尋勝一躋攀世間萬事真難

必來訪盧師入覺山

誰削蒼巔峻作崖碧瀾直上妙高臺靜功儘辨瞿曇

鉢石鐸清泉迸玉來

山因寺勝寺依泉雲自無心景自閑懶陟上方窮遠

目黃塵深處是人間

丙吉問牛圖

休驚宣父才難歎兩漢調元見是公後世幾人能辦
此球時纔得一姚崇

右軍觀鵝圖

照眼霍鷗引頸來宵中妙思與之借寥寥尚友千年
後只有涪翁識此懷

又跋問牛圖

理論思一相功只今機務簿書叢後人刺口無輕
議世事看來總不同

閩海道憲司書吏張禧事母以孝聞本道
具詳上達得請乃以所居論秀坊為純孝

健如五六十人諸人賦詩爲慶

吏業傳家說寧馨炎方享壽見徐庭婉容還憶相看
處燭治官書在憲廳

養親致樂固多岐無重承類志不違純孝表門纔兩
字四山和氣動春暉

平生快吏元康筆俯就功名力不難邂逅南陔見深
愛爲親初不厭卑官

鄉間顯異有新書衣錦還家喜不如歸到建園春正
好里人拭目拜潘輿

寸心擬報春暉養祿食榮同頴叔羹兩地月明思最
切倚門心事正懸旌

建人悍勁尚氣節不尔秀狎多文儒鄉間今說張忠

孝還侶中林返哺鳥

淵明臨流賦詩圖

秋水門前有令姿先生非是好吟詩因觀逝者如斯
說天運何嘗有息時

題存樂堂詩卷

當年膝下侍慈顏蒲樹悲風入
夢寒不及一杯救水
養對君慚愴淚闌干
寸心不到南陔養空羨中林反哺鳥
最是范公含恨
處百年溫飽見妻孥

題成經歷晚翠堂

雙檜堂前晚翠新
歲寒相對更情親
東家桃李君休
羨爛熳光風幾日春

七十平頭恰數朝
望秋蒲柳到松喬
何當醉倚處
滿院秋煙濕翠翹

明皇驪山出獵圖都尉王晉卿筆

五家錦綉迷川谷
萬馬旌旗獵帝師
治亂兩途明在眼
丹青渾是黍離詩

玉泉巖并序

元貞二年正月月中旬兩臺登海山絕
島明日隣人葛巨濟以此山見示巖
巖四面皆自天成色深翠秀麗惜其
淪落泥塗慘淡有未之發者上刻五
題曰壽山曰玉泉巖其傍絕頂有懸
流一脉下注山足甚鮮明也曰崆峒

洞曰子陵難曰白石瀨皆以金填形
勢與玉泉山不殊疑前金宮中物也
兩夜登臨倚碧岑夢中驚絕此崎嶇朝來翠射娉婷
底笑煞平生未足心

送韓推官之任廣固

友人韓侍御君美子

歷試諸難貴遠期休言為吏莫為推煩渠細讀瀧岡
表恐是廬陵積慶基

花樹韋郎好弟兄當時同宦最關情三年不見諸韓
面却為儀山作送行

元貞丙申立春日作

前歲車起陸沉清優特置在詞林明知不是商顏

當體

先皇養老心

終日思歸憶故山
玉堂金馬有堪怜
只知蓮炬君恩重
其柰山公啓事偏
六藝蹴空成底物
龍鍾何有玉爲堂
眼明愛殺韓忠獻
到了蘇坡一議郎

題西湖圖

東南形勢說餘杭
誰辨山谿作國防
踏雪欲尋龍井去
表忠祠下謁錢王

丙申歲京師元日門帖子

三冬露處無家客
七十殘年有限身
強項一生今潦倒
更將低首嚮何人
中舍無心喜外遷
非緣詞筆厭雕鐫
眼中故舊飄零

盡啗點從渠取可伶

錢舜舉折枝圖

探花走馬醉西城歲與東君侶有情不是今春風色
惡折枝圖上著清明

院中即事

元貞元年為修實錄
移在北中書省內

有時下直出銀臺三昧楞伽亦快哉不似近年官事

急小車還聽吏批來李肇翰林志說前輩傳楞伽經一本至
在聖壁每下直出門相語謂之小三昧

出銀臺門乘馬謂之大三昧
如釋氏云纏縛而自在也

重遊玉泉并序

元貞二年龍集丙申三月二十八日

大駕北狩同翰林諸君送次大口回

獨與孫奇西過玉泉因憶至元七年

御史裏行時來遊者一十有五人歲
月如流轉首廿五年今在者李司卿
輔之温漕使次霄與不肖三人耳人
欲久不死而于人世何如也凡得詩
三絕留山間而去

輾轉澤車轉碧崖山煙喜客望中開
畸人問我從何自適送

鑿輿大口來

進水山僧去未迴日長空閣獨徘徊
尋詩不到瑤華洞踏遍松間碧色苔
山頭亂石鬪杈枒水底浮光浸碧霞
絕似蘇門山下路惜無脩竹與梅花

清白園為何掾舜峯賦

傳家素有游條索竊禄生憎碩鼠貪三考臬司如一
日眼中何掾德無慚

題韋偃十馬圖

浮深角壯恣游嬉沙苑春風碧草齊聞說紫宸初立
仗內家正要不鳴嘶
國初鞍馬說江都今見韋侯十駿圖獨愛少陵忠義
氣艱危安得濟時需

和東泉翁山中雜詠一十三首

過眼紛華興未闌人生難得老來安山中致爽饒清
賞不是悲秋強自寬

山居

爲愛淵明不自賢夕陽飛鳥兩忘言已邀白日羲皇
上况復青山是故園

清美堂

期三樂素非狂帶索行歌老自量明理已安循理
輟息心元是養心方歸來亭

生平游刃擬青萍一日歸來與道寧繞樹每憐驚木
鳥思親時上望雲亭

丹砂玉屑燕窠窰臺閣風流見一時桃李春光能幾
日惜君元有歲寒姿幽芳軒

朝三暮四本來齊誰爲兒童較栗梨今歲見花欣實
羨山中風物要通知香雪原

田家剝棗暮秋初野甌蒸香木蜜酥不富正綠無滯
貨芋魁墻外又成區木蜜岡

山中處士玉堂仙兩地相望思渺然說有詩來多勝
槩含情多在碧雲牋杏塢

靜約幽人品羽茶偶隨稚子去鋤瓜問君何侶東陵

日猶是崦山故老家瓜堰

門外清泉兩歧流臣心如水更何求濯纓濯足終多

事已分心身到逸休東泉

樹影扶踈聽鳥音可堪時事百年心高情愛殺陶元

亮一醖秋香見獨斟西泉

德澤涵濡得二難百年祠館見遺安蒼蒼一片墳臺

石留在行人下馬看墳館

士論推稱謚取公瑤鑄三尺刻文通因君喚起西南

興夢寐泗溪碧漱中先君衛士夫私謚為文通先生

曹右丞生祠手卷

前年拜掃王墳廬笑逐雙有到並驅林簿氣清侵

人家春社樂于胥

農樂無如歲有年更將民瘼細為蠲應憐右轄祠邊
月花柳深村有二天

李白醉歸圖

雲陣橫陳大渡河一書能解六蠻和仙韶莫詫君王
寵七寶粧嚴未是多

襲美堂詩雲中張釭母姓楊氏性資淑惠

小心敬畏早見知於中宮出入禁掖垂三

十年前後賞賚濃渥楊歿

上思保育之功贈安翼趙國夫人生子六

人長曰鎮出刺荆門沂水二郡其四曰鑑

知東勝州餘皆宿衛

宸庭

襲美看來嫩在中當時安翼有深功春風吹下蓬萊閣二子歸來五馬驄

自題寫真

白髮刁騷一幅巾遺書浩浩百年身縱令不入麒麟畫已是三朝館閣臣

李德裕見客

唐韓滉筆徽宗臨并

御題在後

金鑿載筆寵光多三鎮聞風自削磨開運中興元兩樣相君勲業邁蕭何

恩讎平日太分明曾次看來氣未宏不鎖檀坊停衛士諒知堂上有奇兵

勤華夷機務論思儘有爲一貶未應生重

崖州山色要新詩

經綸心事在思亭據榻高談俚自矜不見省中温室
樹孔光終了說何曾

有才善處是無權朋比爲心自黨備邂逅郡樓回首
處杜門應羨晉公賢

意氣揚揚與脅有較來失德兩同然春風蒲眼桐花
鳳不是當年諤諤賢

送同知范君璋之任平濠

昆明授法起甕嗣民瘼洗蠲宜飽知後日鳴絃千室
邑豈惟活國說良醫

三紀承恩鶴禁深一官濠海任浮沉固應天上張公
子好識當年大范心

張遂初詩

鶴禁辛勤四十秋，端功端品可封侯。
一官終入尋常選，猶被時胥問解由。

需軒

閉閣陽城醉侶泥，諫臣爲論在韓疑。
一朝力折延齡相，識得三陽出險時。
據按事從中道處，洗心思與繇舜新。
小軒不作朝來喜，倒屣門前不速賓。

則天朝回圖

萬有潛隨一氣回，武炎如火李如灰。
上陽宮殿春風暖，花底朝鞭隱若雷。

過瓮山記老人語

刑清兵寢歲豐穰五十年來帝道光駝馬攔東逢老
叟向人猶解說先皇

題劉元禮挽詩卷後

有得歸為怙恃榮三年索米可憐生一盃不及慈闈
養空有殘魂遶斗城

三尺旅墳燕地鬼一篇新序翰林詞友生最是情鍾
處夢斷空梁月落時

客死無歸最痛心李生哀慟惜知音只緣識得天倫
重不為黃金綠綺琴

任氏具慶堂詩卷

善積中來慶自全一堂和氣覺春寬人間兩字風流
處貼在兒兒額上看

壽接諺語應踰七數比名泉更益三婺女老人元瑞
世兩星今見濟之南

劉簽事友竹亭詩

退食歸來對竹吟相者同抱歲寒心只今眼底交情
薄不似環亭翠影深
公子清標有足多紫微垣外侍雕戈料應瞻彼猗猗
與瑟憇功夫見琢磨

題錢選臨曹將軍燕脂驄圖

涪翁醉草丹青引秘省珍藏獵騎圖老眼再觀知有
數喜從唐本玩臨摹第三句一作書入
龍種中來見異姿春風舞影下瑤池馬中岳湛錢郎
筆寫盡坡仙七字詩

刻烙天全固可悲不應頽影自驚嘶君看慘淡經營
意重為莊生解馬蹄

首脫金羈藉帝閑春風沙苑草芊綿承恩幸在休閑
地誰與爭鳴八駿先

良驥初非以力聞丹青傳寫畫圖新超超說是千金
駿蹠嚙何曾到圉人

相馬圖

駑駘安分老青芻駟論才白璧酬相馬只今誰伯
樂解教駑驥兩垂頭

題趙崑人馬圖

崑五代人掌為朱溫
駟馬都尉

天廐真龍自不凡未妨束縛具羈銜當時一筆千金
重今恨無人說趙崑

甲午歲門帖子

旅食京華兩見春
衰年來作玉堂臣
一家温飽恩光
裏補報無方愧此身

題徐中丞子方愛蘭軒詩卷

吏部尚書昔刺濕索賦

幽蘭在谷似幽人
相近相親有使君
獨愛孫綿詩律
細宛從平淡發奇芬

手治蘭臺種竹園
護香籠日淡炎暉
綵綸閣下文書
靜却似當年對紫微

山行還喜得夷途
路轉蘭皋更可娛
十里曉煙香不
斷春風吹袂過鵝湖

予嘗往來鉅信間景物多異惟鵝湖山氣清淑土脉馨潤所產花卉非蘭即其餘

有不敬與之並者晦庵先生少時愛其地勝嘗讀書於此特表而出之

濟南錄事參軍解君瑞芝之圖

擘亭亭紫蓋光氣和無地不芬芳一枝特秀溪堂
似表參軍政異常

從來腐朽化神奇正自餘精發菌芝浩蕩上林春色
裏自怜蒲柳望秋衰

題李巨川衆芳亭

引水溉餘紅藥秀遶欄者得綠陰春帝城擾擾黃塵
底獨惜幽香亦可人

傾囊不惜買花栽釀酒留香待賞來說似西園瀟索
客從今無復眼慵開

主人襟韻有餘馨俯仰乾坤一草亭餐菊佩蘭當此
際江漁休笑屈原醒

淵明歸來圖

獨遊初不為良晨步入斜川別有春多是飲裳宵遁
日眉間歸色喜津津

徽宗花鳥圖

無逸圖空冷御榻翠香玳羽惜娉娉不思三代池臺
樂感致中和本四靈

疎梅寒雀圖

苦愛梅花結素緣野莊曾次本瀟然枝頭凍雀何為
者時許分香到夢邊

長記扁舟過武夷仙家梅竹滿清溪山禽盡日伶幽
致爭棟寒枝趁晚栖

題邢君用意齋

禹城方伎響邢君願我龍鍾老病身賦就瘁梨空自

惜幾時相對意齋人

百疾中來有變常智人察色信能量細看難素縱橫
說到了何曾有定方

醫言意也精微而危不誠無物誠斯明斯意誠
心正以至國治治國尚可奚難於醫仲尼無意
人孰能追莊生刻意我非敢知惟神聖工巧意
行不疑然後是齋之所謂意者庶幾得軒岐之遺

甲午歲門帖子

新春元日兩爭妍氣朔分齊本自然不待書占雲物
喜上旬壬子是豐年

題張太師浩家集後

功名有分事無難談笑貂蟬素履間松菊堂深歸未

老西州扶病嘆丘山

跋雪峯居士顛草後

筆從簡古發濃纖書到顏樵兩具瞻不憶雪峯揮翰
手怒轟雷火學秦蟾

濡墨池邊說醉顛書家初不數鍾權縱橫詰曲千文
帖篆隸中間有正傳

元貞二年秋偶至新店觀光驛迴思往事
蓋三十五年矣因書壁以記重來

漢署風雲控北坡萬方奔走聽虞羅偶思三十年前
事夜半郵亭索傳過

湘江晚渡

傳懷騷動楚悲退之伸禱謫潮時黃陵廟下山如

霜 南氣已凝物華從此見衰榮漫山桃李春能
幾 煞寒溪四友清

枯木寒鴉

枯樹寒梢凍欲冰野鴉翻影若為情錦鳩呼兩烟林
外紅杏香中過一生

楚水歸舟

漢東歸興楚江帆老我南宮百不堪莫訝西風烟棹
速秋霜香滿洞庭柑

菊軒姜君美係斗南先生外甥

姜家籬落似斜川野圃秋容淡淡烟何待白衣人送

酒一軒風物已陶然
生平愛菊菊名軒
細撚秋香憶昔賢
似續外家無盡
藏壁間渾寫和陶篇

子路問津圖

轍環天下老於行
二子相忘不輟耕
休為聖賢分二
致本來出處不同情

元貞三年門帖子

平生報國宦情踈
千里思歸意未舒
只有暮年心健
在一燈清影課殘書

大簡之山水橫披

雨濕溪烟凍不飛
一船燈火曉光遲
風蓬冷泛東山
月記我茶洋早發時

知本齋

先生憲府舊乘驄骨鯁人稱鐵面翁此日籌堂見餘慶一門和氣樂融融

人物原原有自來特將知本榜新齋歸根返壑皆吾事庭草春來綠滿堦

灞陵風雪圖

詩瘦清於飯穎山蹇驢馱入畫圖間姓名得掛金鑿月風雪長途是等閑

跋左山公書東坡醉墨堂詩

閉戶經年翰墨場鐵心入道漢王常折衝不縮堂堂手思入顏楊鴻鴈行

夢回仙以丹劑療疾

黃鶴留題世已驚
又遺丹劑化盧生
夢回仙馭無從
見何處秋風一劍橫

碧桃青鳥圖

上林春滿漢宮煙
翠雀飛來態度閑
王母西歸
方朔去碧桃華影語闌闌
瀛洲僊集海微茫
翠鳥湘桃更異常
似為碧霄宮宇寂
故傳芳信到劉郎

孟母三遷圖卷贈新軒子張

孟母三遷養聖功
芬芬千古振高風
披圖欲識
願齋意人道神交管鮑同

題張昭信濟江調兵記目

堂堂大將伯顏公
萬斛浮江節制雄
今日河山歸

繞却從遺藁見元功

題蕭氏承顏亭

曾門為孝固多聞
不侶承顏孝節純
人說小亭如斗
大一欄花木四時春

東坡赤壁圖

先生曾次有天遊
萬里長江一葉舟
欲托悲風瀉遺
響恐驚幽壑舞潛蚪

題錢舜舉牡丹折枝圖

翠帷高捲出傾城
並髻凝粧別有情
似為洛人矜絕
艷兩枝相倚闌輕盈

李擇善甫貫錢詩卷

營營市井逐錐刀
戈戟相尋較一毫
焚券貫錢如棄

三
卷三十三
疑丘陵宜並泰山高

宮廊校書

斷爛朝章報恐差青編搓碎旋添加就中書削無多
意坐到宮廊柱影斜

任伯如慶母夫人八十之壽

發光簾幙寶煙濃八十慈顏壽樂融
健羨鹿泉新句好一堂和氣畫圖中

風高雲夢夕

江連雲夢夕多風萬斛龍驤歎蕩中
常記瓜洲乘醉渡片帆幾落海門東

枯木寒鴉

亂鴉翻影上枯枝點綴荒寒見野祠
絕似首陽山下

路滿陂晴雪祭餘時

秋蟬堂詩

霹靂湘琴得正傳新聲曾擅泰和年玉音又與人俱
逝時賴秋蟬續斷絃

屈原對漁父

國既無人不我知秋風澤畔一湘纍君臣大義明如
鏡抵用漁翁辨噉醜

題張君利甫秀巖琴譜手卷

故家人物秀岩仙一曲瑤琴有正傳鄭重張君寶遺
譜不殊親授廣陵篇

題紡績圖

三晉遺黎樂士農浴綈為業略相同細思七月豳風

詠不到春坊錦綉工

千里秋晴圖

出門藜杖思飄飄千里晴霄見羽毛特為樊川發清
興南山秋色兩相高

江船曉發圖

漠漠溪煙凍不飛一船煙火曉光遲風蓬冷泛東山
月似我茶洋早發時

秋澗先生大全文集卷第三十三

秋澗先生大全集卷第三十四

七言絕句

讀漢武帝外事回詩

汾水西風岱頂柴，後辭稱自馬遷開。
誰知留謗千年後，還向班生筆底來。

蕭颯神飈下寢園，玉衣晨舉馬嘶煙。
不容夢語加明護，應是千金漢相賢。

白髮劉郎一帝巫，老方服食悟前圖。
首言要格君心妾，萬古鄒卿一大儒。

太一蓬仙杳不聞，龍輿三駕海東雲。
明知求訪終無驗，才悟文成又少君。

羸傑而顛徹黷，兵較來遺跡不多爭。
矣園廿分秋風

裏流血爭教到市氓
鷁艦龍旗照水開
是明都試想雄材
眼中不惜肌膏
盡博得西南拍營來

晝獵南山夜不歸
白龍幾中豫且危
論功正有高皇約
不爲諸孫齊所私

二喬觀史圖

二喬絕艷煽江東
一札龍韜閱未終
多是周郎傳報捷
華容燒虜夜來空

劉永年棘兔

周身有術無牙角
出沒中林草棘深
幸自得沾閑靜處
枉將陰巧見機心

神明之後管城封
埋骨詩書有駿功
原野暖煙三穴

樂綠雲無夢入蟾宮
月中搗藥伴蟾蜍嘯傲秋風挂影踈今日弃捐節棘
底免冠甘謝不中書

旅藜園

厖然織甌褐毛解閃閃蒼精照帝軒誰為此監揚得
意一言曾達漢文園
何人刻繡旅藜園慘淡風煙較獵餘不寶珍竒安遠
邇至今人咏召公書

風雪藍閨圖

天威不遠雷霆迅雪擁藍閨惜自傷不似老坡南窳
夜一天風露縱浮航
兇鋒突折王庭湊赤手嬰鱗撼憲皇可惜堂堂忠義

氣狂將衰朽托吾湘

庚子歲門帖子

庭驚爆竹驅讎鬼門掩春風貼畫雞戀
闕心丹老猶在夢中來趁筍班齊

庚子元日即事

春融官閣梅仍好暖透墻陰雪盡消長託紫宸朝退
後洋洋猶說太師韶

覓酒正月三日昔風色陰寒

門外風霾障日昏地爐吹火發春溫牀頭說有青藤
釀好遣麻姑送一樽

敬甫英豪蓋代聞三年幸得作比隣閑來屈指從頭
數得見青瓶有幾人時以佳酒貯青瓶來貺

題文殊院壁

吳僧久住文殊院千里東歸未有涯
十二通衢春雪滿又携藜杖去誰家

跋梁中憲無盡藏手卷四首

人物風流晉永和一樽觴詠百年歌
邇來水檻中台宴更比當時樂事多

長橋春露濕吟鞋共警時思怵惕懷
只為一終天理在晚香何有百花崖

鐘鼓山林窮勝事衣冠韋杜似樊川
一門顯允稱多士野老猶能說定年

馬頭旌旆八駟行劔佩璚璚尹雒京
特就房山崑畔月百花潭水濯冠纓

海岸古木圖

古木螭蟠鬱有華輪困竒崛欲誰誇何年海藏龍宮
使推出秋風八月槎

題肅齋詩卷

坐如泥塑程明道笑比河清孝肅公一字名齋見操
守儼然思有古人風
外自形骸內自心敬恭交養理尤深用功不必求他
說細讀西山夜氣箴

再題梁氏無盡藏

月白風清世不知園林鐘鼓想當時萱堂此日南陔
樂又見有輿拜慶詩

洹水郎山雨露春江山如畫見橫陳世臣喬木千年

事長配先生德日新

吳郡張總管代輸民租手卷

吳郡張侯潤屋餘歲供民賦濟貧居二十四考中書
令此樂融融未必如

庚子歲冬與僧印相對見其頰瘦戲作一

詩相贈

雲在青天水在瓶禪閑終日不曾有莫疑磨衲松形
瘦午夜吹燈唱佛經

又題遠僧定禪

東林法第隱峨嵋風雨中途避樹枝千劫塵緣終共
盡狂將公案詫神竒

題王國祥適安齋詩卷

神光仰面溢流東
睡起東窓日已紅
適意有詩樽有
酒曉猿休訝草堂空

浙崖煙隔回逋駕
山鳥山花樂亦佳
一夜山靈來軟
脚盡分空翠濕吟鞋

起居有道適之安
况復山人已考槃
辛苦東曹馬觀
復簿書燈火五更寒

亮鋒北折恒山逆
鰲暴南移窟宅空
天地此身無定
在適安何侶一盤中

馬卿來索適齋詩
終歲思歸未得歸
羨殺昌黎盤谷
叙山林長往寂知機

呈德昌郎中

太平朝野足娛懽
漢日舒長省府閑
前日景陽臺上

讌一堂絲竹兩東山
江山大筆硬盤空
誇海歸來不自雄
紅藥滿塔春露濕
看君給事大明官
沉沉宮漏出華遲
曉日雲籠簇伏齊
前日彤庭青瑣客
只今騎馬欲雞棲

蘭陽僧榮說昔開汴河得入定
隋僧今移葬宝相藏寺前
殿趾下手爪纖長纏繞兩
膀或問彌勒下生否未也
榮說寺中見有碑記

漢家習戰鑿昆明
劫火留灰憶見曾
誰謂大梁蘭若底
土中入定有隋僧

錢舜舉桃花黃鸝圖

金衣公子絳桃芳飛下喬林過錦江細按玉琴能巧
轉絳紗高捲薛濤窻

壽陽公主折梅圖

滿庭梅影媚春陽粉萼封香散麝囊折得一枝春在
手含章宮閣闔新粧
寶檐公鳳探芳叢瓊葉飛翻入卧中一自粉綿輕拂
散暗香吹滿壽陽宮

題武教授峨嵋山谿堂圖

野水林塘淡欲秋日長繒繳在沙頭故山咫尺峨嵋
外未礙因人作遠遊

張金吾慎獨堂

赤丸夜語飛電如徹巡誰猛張金吾能於不覩不聞

際一妾纔生制得無

中和堂

草隨風偃理之常况是京師首善鄉聞說開元天子
聖羽林多半授經郎

慶壽東西二橋

慶壽精藍丈室前松鞋盈庭景氣蕭
爽嘗引流水漑鳴其間東西梁貫以
通往來今水湮橋廢止存二石屏上
刻飛渡飛虹橋六字筆力適婉勢若
飛動有王禮部無競風格寺中相傳
亾金道陵筆也主僧西雲安公喜作
詩通書學以無礙妙辯現當機應身

軒露頭角價重統堂緬懷遺跡修護
珍惜屬秋澗翁作詩讚嘆傳示後來
謹賦二絕奉答雅意秋澗王惲和南
花木禪房逕窈通卧波曾覩未雲龍摩挲一片西山
石依舊宸奎照碧松
飛渡飛虹惣舊名玉洲無復繞松棚偶投靜境便僧
話指碩瑤鑿說道陵

半山石詩

一拳山骨動溪神小字金書爽醉竟竊吹濫巾非我
事約公同賞謝家墩
荆公精舍定林居蔣廟相過恰半途不憶半山亭上
石溪光一夕照吾廬

農里嘆并序

至元北八年秋九月檢視水災趙之
東偏自平丘至劉村渡凡一十一處
因老農問答集爲十絕句庶以見農
家有終歲作若卒至於無成者可哀
也哉作農里嘆其辭曰

今歲馮夷勢蹇驕漫流西岸不知遑
枯槎聚沫猶然
在特見田間擁樹腰

浚水南來接滹兩河會合泛田廬
官來檢驗承尊
重所望申圓早得除

寧晉東南舊馬頭今年秋稼被灾稠
至今田畷揚旌
處猶作長河一漫流

漲痕到處盡翻耕。壟畝縱橫宿麥青。馬首野人爭說
似肯教欺昧老提刑。薄有田疇在遠坳。近村城墻不能耕。今年已損秋禾
了。庶望來年麥有成。野漲平田一漫蒼。只緣溝澮失隄防。田廬相近初無
礙。賴有莊東白草岡。馳傳東來相水災。並河村分盡俱該。莫疑詢訪多諄
復。切恐文移不細開。每年秋漲賴橫堤。水縱漫堤尚害微。近為鹿城偷堰
破。故交流潦到柴扉。每歲災傷走吏曹。何嘗南陌到東臯。正緣事重人微
甚。特遣官來慰爾勞。

穀穗虛穰草色燠滿前堆積漫如困一餐到口還無
濟辛苦田間力稼人
火雲六月旱為灾嘉穀方苗大水來老特瘦來無可
飼放教河底嚙枯荻
辛苦農民上所哀况遭今歲水為災得除與否渾閑
事最喜分司檢踏來

責備

利為人後責居先子細評來不苦偏鄭重左山親有
語天心責備最相憐

相鄉懷古

整整唐旗向日開賊兵來陣亦雄哉膽寒已落銀刀
手不待騎河百戰來

泚水

倚空趙壁漢旗殷
魏魄南隨逝水寒
自是炎劉方爾熾
不應儒將責成安

題趙總尹書堂

趙氏諸郎玉不如
籛金雖貴樂三餘
朝來放眼芸香閣
信有人間未見書

河內許生希顏愿而有立志予在襄國問
學者月餘及其行也求一言為訓故書此
以貽之

筮仕常深未信懷
孔門惟有漆彫開
治平果得真知理
青紫何愁俯拾來

題陳居士歸真圖三首

林下山間本寂寥只緣久動思漁樵君看白首爭名者穰穰依前滿市朝

桂樹巖巖幽謾見招風煙圖書儘高標一從五柳歸來後此事人間久寂寥

舉世誰能未老閑風煙空對畫圖間應怜心遠陳居士杖屨西山夢往還

松林秋月

萬壑松聲月色開夜深清景湛靈臺放懷不為樽中醪坐聽蒼髯說法來

題劉道濟所藏石屏

石中乃有此奇要來策臨池障墨勲絕似雞鳴南下望桑乾東捲入寒雲

過寧晉北陳村題陳節齋故居草廬壁

皎皎丹心與義俱要須身外更無餘
截然不負平生志依舊陳村一草廬

生死分岐又六年野煙行入北陳阡
不煩更聽山陽笛老淚臨風已泫然

過後趙右侯張賓墓

自擬籌兵借筋倫品量何必果誰親
風雲慘淡龍蛇裏獨識將軍亦可人

一劍橫談動世龍掃除河朔晉爲空
運歸曾不論夷夏軋沒并門坐嘯功

勒遇光皇竝駕先右侯端有子房賢
一時瀟洒君臣契虎視鷹揚豈偶然

鉅鹿懷古

寰宇記平鄉秦鉅鹿也項王解趙圍於此

鐵鎖秦圍一戰開群雄稽顙拜平臺君王邂逅東城
敗驕氣須知自此來
趙圍纔解已亡秦六合風雲霸業新逆取不思須順
守嘔嘔空抱婦人仁

沙丘懷古

一從竒貨落韋機秦自莊襄統已非大寶前依王命
論牛當馬後一何微
馮壁投來識已真沙丘臺下泣宮臣事機說到還元
慶造物於中太戲人

時苗墓

苗魏人官壽春滿留續寰宇記云墓在平鄉縣東北二十里至今二村以時南時北為稱

典郡風流若可稱當官明允復冰清來時孤孑歸遺

犢却恐存心似近名
笑却青鳥取大錢去留黃犢縣門邊就中麪置人情
近似覺山陰守更賢

苦熱

炎官令虐不容安背汗翻漿厭午餐遙憶百門山下
水玻璃盆百萬珠寒

沙丘懷古

六國平夷甚虎狼擬從一世到無疆誰期五十餘年
後生處元來是死鄉

擬就靈仙不死期翠華拂面事皆非須知一把亡羊
火望望驪山待汝歸

萬靈訶護駭東巡一死沙丘等棄焚不直鮑車曾具

惡黃陽宮事儘腥聞黃如字花名玉黃四月開見廣韻
陌上行人去不還眼中豺虎滿朝班齊雲樓下陂陀
血紅比龍袍色更靛
右讀唐昭宗紀
東就梁營怒重岐傾危何翅託茗枝目斜袖搭欄干
曲花蒲春宮去住時

讀明皇雜事

梧桐葉上雨聲繁絕似花奴羯鼓番不待迫遷西內
後上皇當此已消魂

讀肅宗雜事

淒涼南內廢晨昏與慶宮官不一存進藥失嗜蒙大
惡肅宗當以弒君論

又

擁憐愛子遽聞言天理中還帝汝然龍德本非軋健
體不應良娣健而穎

廣宗早發

武道亭西望鎮陽趨裝猶是四程強夜來一雨救炎
傘借得長途兩日涼

贈擒虎張侯第三子飛卿

射虎聲雄發五犯三郎閑損玉稍花雍容詩禮相逢
處不信風姿是將家

大學淵源在六經振振儀鷲儘充庭君看萬字長沙
策不到詩家月露形

黃巾墓

洵洵黃妖表一呼棘矜元是力耕夫人心莫作平常

看易動難安最可虞

再過隆平

我欲臨流濯鬢髮沙鷗橋畔莫驚猜
亭亭一點隆平塔半歲還成兩度來

銅馬祠

古鹿城西野廟新戰勳猶說馬將軍
甲光千丈雲臺畫只有荒煙對夕曛

昭慶陵

紫雲仙李隴西宗又向平隆見祖宮
陵寢栢城俱掃盡石麒麟舉動秋風

過唐山望禱帝堯祠

光宅宮庭歲祀新壤歌猶是昔時民
遙祈一勺龍弘

水痛與山前洗旱塵

讀李斯傳

常笑秦斯訴已忠豈知身墮趙機中沙丘不負先王託雖死猶能保霸功

盧處道處覓書

米家畫畫滿江船月貫長虹夜色鮮欲識廣叔多蓄意北歸分賜到諸賢

題塗水老人趙君瑛詩卷

豪傑并門自昔聞儻來軒冕等浮雲瀟然獨老琴書樂塗水看來只趙君老鶴昂藏不受羈九臯心與野雲斯翩翩不墜中郎業又向詩畫得蔡姬

廣武君李左車墓

廣武籌兵見未形規模儘敵漢威靈天其不奪成安
魄赤憤何由下井陘

早發銅梁

早換渾南二十城蚕沙充食葉爲羹朝來夢覺梁門
驛幾處坊場聽鼓聲

春宮元日口號

日融欄檻猊金麗春滿松廊鶴禁深四海謳歌皇子
壽一年得拜老臣心

色目依班向殿趨入門一字立青蒲侍臣直上牙牀
啓拜畢分觴當大脯

獸樽人立遠傳臚軋軋聲來啓左樞玉馬抱牽當殿

過一時肅拜不聞呼

沉沉蘭殿鬱穹窿一點前星現半空事事見來臣分

裏中單奚取絳紗紅

暖煙宮殿歲華新入賀東朝異紫宸內外百官皆便

服紫衣獨見海東臣

三薰來獻野人芹不謂芻蕘得上聞銀研拓弓非所

覲庶憑春鐸振斯文

朝拜歸來戶晝扃小齋孤坐喜春晴太平儻許斯文

致未礙明窓管墨卿

偶書

唐到開元極盛年見人說侶即欣然時時夢裏長安

道驢背詩成雪滿肩

太一宮春早即事

漢家望祀竹宮神
參禮精嚴動早晨
殿瓦漸分籠月白
一聲金磬聽朝真

壬午除夜雜詩

未住京師已半年
欲行還止果誰然
淵明豈是山林士
苦要絃歌為秫田

兩間齋室過今冬
臘雪繞消又朔風
底滯五窮何所戀
終年相伴要詩工

鐵畫顏書雪屋燈
夜深相對眼增明
莫疑擲几金聲若
讀盡諸孫得杲卿

科斗秦燔漢莫猜
隆陵況是晉初開
辭堅句澀無多旨
筆削疑從戰國來

輝：風日暖生煙氣韻和平恐信然軒冕儻來皆外物
歲功無切是豐年

瓜畦分漑引溫湯三月中旬已進嗜縱使得先諸菓上
摘來終是不馨香

衆卉迎春竊化權苦寒都在早梅邊不愁一夜冰花老
使得和羹亦槁然

失之須信本來無勉強難於上坂車看取一陽潛九地
春來葭琯自舒徐

謝安石奕棋圖

百萬秦師未易推動容無復捷音來入門偶折登山齒
一矯論公恐妄猜

江東全倚謝家安雅量形容對奕間勝負自初成算在

在風聲何賴八公山

沛公洗足見鄼生圖

氣折狂豪一洗間要令游士吐嘉言初從沛長咸陽
帝此術施來第幾番

嘖然洗腆孰爲賓中隱炎劉四百春一說便能延上
客君王肯效婦人仁

包總綿區細故捐未妨揮洗鄼生前一頓一笑非無
謂不似高皇氣馭權

落魄高陽一酒徒畧除邊幅展雄圖桓門堅忍須臾
去長爲東山出此模

布褐昂截七尺身不容空老酒壚春風雲慘淡龍蛇
際首識隆顏亦可人

書壬午歲十二月廿二日夢中所見

青山隱隱水悠悠鶴蓋前頭列火篝江閣連延三十
里停轡看甌古昇州

孫陽相馬圖龍眠筆

昭王墓老秋蕪合虞坂人歸暮靄蒼岳產何嘗無駿
足世間能有幾孫陽

渭橋迎代王圖龍眠筆

古人作事洞胚胎盡到龍眠見大材勘破丹圭月揮洒
意英宗還自濮陽來

李臨城挽章

桂香坊裏推時雋爆竹聲中見孝心人道戚孫今有
右惜教含笑九原深

榮歸亭

策勲自合畫麒麟
佚老榮歸帝里春
開卷賦詩還自
突滿纓塵土
向時人
身外功名弊
徒輕一亭歸
卧有餘榮
分明昨夜南山
獵高裏弦
驚裂石聲

再題胡烈婦殺虎圖

丈夫不作屠龍舉
捷婦能成刺虎威
試看五行參運
化二陰何盛
一陽微
耿耿哆口摧天去
死地求生有若人
寸鉄竟能伸義
烈大臣當國合橫身
古稱政猛苛於虎
捕暴除殘惜壯圖
喋血兩坊王義
俠袖鎗揮處
幾於菟

汗宅 全用張鬼事

皮骨皆為虎吻腴鬼幽曾不悟當初棘林夜黑相逢
處猶恐悵悵泣有餘

石鼎聯句圖

衡山何物老彌明氣歷侯劉到震驚笑向半空盤硬
語火爐頭上把降旌
海上游談接大顛鼎邊聯句託軒轅不須苦泥中間
事二者看來揔大言

渭橋辭謁圖

閃閃鑿旗擁帝輿八方臣妾效嵩呼君王莫以來同
喜衛霍功成萬骨枯

周文矩畫金步搖官人圖

螭玉珠華兩翅排
髻高雙鳳拂雲來
玉笙合就新翻曲
恰值碧桃花正開

雪中同郡寮遊達活泉

訟牒聽餘事未圓
日長誰辦枕書眠
出門偶作閑人計
踏雪來觀達活泉

淵碧澄泓一畝池
勝遊都在郡城西
潛蛟免致騰雲潤
歲歲分香入稻畦
取東坡夏壠餅餌香之例也

雪窗無寐

夜深雪晃客窗明
更比西樓月色清
老大看書無眼力
偃然欹枕數寒更

早秋夜坐

候虫唧唧掩荆扉
落索瓜篋萋滿敗
籬涼氣已隨新鴈

至小齋燈火便相宜

飲醯圖

一勺儘調鼎味三升自卓吸誠難公羽不去為卿相何人
禁此辛酸

江南道

閩越自方千里冥冥海角天涯野竹踈梅沙路江邊
到處人家

早起效三五七字格

東方明清風發白露下無聲
步久寒侵襪撫楹歌
罷酒微醒月明滿地蘆花雪

秋澗先生大全文集卷第三十四

開化圖書館

Kaichua library

開化圖書館

Kaichua library



開化圖書館

Kaishua library

開化圖書館

Kaichua Library

Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17
1 2 3 4 5 6 7

Inches




秋澗先生大全文集

九

開化圖書館
Kawakana Library

開化圖書

kaikwa library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color